



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

27. Dies Februarii. Deus non ea quæ offeruntur, sed voluntate, respicit offerentium.

urn:nbn:de:hbz:466:1-45477

Februar.

Tessera.

155

plus vivas, minùs dormias; ut porrò mane citò vigiles, & in negotium incumbas, vesperi citò decumbas: nam

*In matutinis quicumque cupit vigil esse,
Is cum gallinis habet ire cubare necesse.*

27. DIES FEBRUARII.

Deus non ea quæ offeruntur, sed voluntatem respicit offerentium. *S. Hieron. in Amos.*

Deus manè
fit omnium
operum sco-
pus.

I. **M**ANè evigilans, de quo potius debet esse prima cogitatio diei, quàm de Deo qui est antiquus dierum? Orto igitur jam sole, velut aquila perspicaci obtutu intueri Solem Justitiæ, qui solem suum jussit oriri super te. Ad eum, velut ad scopum jacula, sic dirige omnia tua opera. Hoc modo actiones nullius ex natura sua valoris in sublimem meritorum gradum evehuntur: sic actiones naturales, redduntur supernaturales. Sic vel mille haberes intellectus, si mille oculos, illi in solo Deo occupari deberent, & in ejus voluntate implenda. In hoc potissimum cura, industriaq; nostra versetur; ad hoc referatur omnis nostra sollicitudo; in eo præcipuè intentio nostra occupetur; hic vires Animæ nostræ fatigentur, pensū sit illud, & quotidianus labor, totius vitæ nostræ, ut inquiramus, & quæramus cum D. Paulo. (a) *Domine quid me vis facere?* Illud quod vult Deus sēper facere, est Deū verè diligere. Et ita si Deum diligis, stans in terra, jam nunc es in cælo: quia facis voluntatē Dei, in terrâ, sicut beati in cælo.

(a) *Actor. 6. 9.*

II. Incipe

II. Incipe nunc in terra facere, quod per omne
 æternitatem nunquam defines in cœlo facere. Ne
 tantum generatim omnia, sed exemplo S. Gertrudis
 minuatim singula, ut consecrentur, Deo consecra-
 videlicet voces singulas quas lecturus, characteres
 quos scripturus, bolos quos comesturus, verba quæ
 prolaturus, gressus quos factururus, anhelitus omnes
 quos dormiens, & vigilans ducturus es. Hoc non
 tantum est Dei gratiam habere, sed cum gratia per
 petuo operari dum suum in Deum affectum produci
 effectis. Et quidem hæc Dei voluntas, perficienda est
 sine ulla exceptione in omnibus. Nam summum
 lud, & unum Bonum, vendicat sibi totum, & omnia.
 Sicut enim falsum est, mortuum esse quempiam, nisi
 cessent in eo actiones omnes vitales, si enim vel uni-
 ca super sit, neutiquam dici potest mortuus: ita pro-
 fus, cum quis unicum quid, licet minimum, ex sua
 faceret voluntate, non impleteret is Divinam, nec suam
 voluntati plane est mortuus. Ecquid dicemus de eo,
 qui postquam pro inæstimabili thesauro solverit du-
 catos mille, renuat deinde superaddere reliquum
 adhuc ducatum unicum, illiusque causa ab emptio-
 ne resiliat? Prudens ille in Evangelio negotiator, (a)
pro pretiosâ margaritâ, vendidit omnia, quæ habuit.
 Omnia cum dicit, nihil excipit.

III. Nostra voluntas sola, plura, & graviora dam-
 na invehit, quàm omnes in orco dæmones, in exi-
 tium nostrum conspirantes. Contra verò Divinæ vo-
 luntatis executio, est unica Pax animæ, regnum cæ-
 lorum, Christi possessio, intentio ipsiusmet Dei. In-
 quiramus illum, sicuti ille nos. Scis quæ labore, quo
 studio,

(a) *Matth. 13. 44.*

Februar.

Tessera.

157

studio, quo desiderio ille nos quæsit? Audi loquentem D. Thomam, agentem de drachmâ ab illo inventa, & inventæ gaudio. (a) *Notabile est quod omnes Angelos convocat ad congratulandum, non drachmæ, non homini, sed sibi, quasi homo, Dei Deus esset, & tota salus Divina in ipsius inventionem dependet, & quasi sine ipso beatus esse non posset.* Si nos Christus tam seriò quæsit, cur ipsum veluti per jocum, lulum, & transennam quærimus? Si ille omnia quæ passus est, præ salutis nostræ desiderio parvi æstimavit, quare nos magni facimus rem nihili, ejusque causa occasionem sponte amittimus, non solum promovendi commodi proprii, sed quod multo est excellentius, insigniter propagandi gloriam Dei? Totum se nobis impendit, & super impendit, liberalissimus Deus, cur nos igitur dimidios ipsi tradimus? O execrabilis nostra superbia! qui non verbis, sed factis per abominandam blasphemiam protestamur, duplo nos amplius valere, quàm immortalem Deum: quia iustissimo, nobisque utilissimo contractui assentiri recusamus, qui est, ut nos totos Deo demus, qui se totum prior nobis donavit. Habeamus gratias illi, à quo accepimus gratis gratias, Juxta Poëtæ monitum

Arbor honoretur, cujus nos umbra tuetur.

* * *

16. DIES

(a) Tom. 13. opus. 63. 66.